




REPUBLIKA E KOSOVËS-REPUBLIKA KOSOVA-REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO



Pranuar / Dorezuar Prilimeno / Prodato Received / Delivered	16.11.2018	8	viti god year
Organ / Njësia Organi / Jedinica Org. Unit	Mr. Prot. Gj. Prot. Prot. No.	Shtesa Prilog Appendix	Sasia Kolicina Quantity
SKPM/SHCK	6897/2018		112



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

Në mbështetje të nenit 80 paragrafit 3 të ligjit Nr. 03/L-149 për Shërbimin Civil të Republikës së Kosovës dhe nenit 154 paragrafi 1 nën paragrafi 1.4 dhe paragrafit 2 të Ligjit nr. 05/L-031 për Procedurën e Përgjithshme Administrative, nenit 6 paragrafit 1 nën paragrafit 1.1 dhe nenit 18 paragrafit 1 nënparagrafit 1.9 të Ligjit Nr. 06/L-048 për Këshillin e Pavarur Mbiqyrës për Shërbimin Civil të Kosovës, Kryetari i kolegjit, me datën 16.11.2018, mori këtë:

V E N D I M

- I. **PEZULLOHET** zbatimi i vendimit nr. Prot. 10641 i datës 12.11.2018 i nxjerr nga ushtruesi i detyrës së Sekretarit të Përgjithshëm të Ministrisë së Infrastrukturës me të cilin z. Nexhat Krasniqi, Udhëheqës i Divizionit të Prokurimit në Ministrinë e Infrastrukturës i shqiptohet masa disiplinore “ Ndërprerje e marrëdhënies së punës në shërbimin civil”.
- II. **OBLIGOHET** Sekretari i Përgjithshëm i Ministrisë së Infrastrukturës që të lejoj të ushtroj detyrën e punës ankuesin sipas pikës 1. të këtij vendimi dhe të mos merr asnjë veprim tjetër administrativ për këtë procedurë deri në marrjen e vendimit përfundimtar nga ana e Këshillit të Pavarur Mbiqyrës për Shërbimin Civil të Kosovës lidhur me ankesën e ankuesit.
- III. Këshilli i Pavarur Mbiqyrës për Shërbimin Civil të Kosovës duhet të njoftohet me shkrim për zbatimin e këtij vendimi.
- IV. Vendimi hyn në fuqi në ditën e nënshkrimit nga Kryetari i Kolegjit.

A r s y e t i m

1. Këshilli i Pavarur Mbiqyrës për Shërbimin Civil, me datë 16.11.2018 nëpërmjet shkresës me numër protokolli 6542/2018 ka pranuar ankesën me numër prot. 6878 dhe nr. Të lëndës A.nr.745/2018 të parashtruar nga ankuesi Nexhat Krasniqi kundër vendimit nr. Prot. 10641 i datës 12.11.2018 i nxjerr nga ushtruesi i detyrës së Sekretarit të Përgjithshëm të Ministrisë së Infrastrukturës me të cilin z. Nexhat Krasniqi, Udhëheqës i Divizionit të Prokurimit në Ministrinë e Infrastrukturës i shqiptohet masa disiplinore “ Ndërprerje e marrëdhënies së punës në shërbimin civil”.
2. Kryetari i kolegjit ka vërtetuar se kjo ankesë është parashtruar nga ankuesi në Këshill sipas kështillës juridike që i ka dhënë në vendim organi i punësimit i cili e ka udhëzuar që të ankohet në Këshillin e Pavarur Mbiqyrës për Shërbimin Civil.



3. Se bashku me ankesë, ankuesi ka kërkuar që në pajtim me nenin 154 paragrafit 2 të Ligjit nr. 05/L-031 për Procedurën e Përgjithshme Administrative të pezulloj zbatimin e vendimit nr. Prot. 10641 të datës 12.11.2018 të nxjerr nga ushtruesi i detyrës së Sekretarit të Përgjithshëm të Ministrisë së Infrastrukturës me të cilin z. Nexhat Krasniqi, Udhëheqës i Divizionit të Prokurimit në Ministrinë e Infrastrukturës i shqiptohet masa disiplinore “Ndërprerje e marrëdhënies së punës në shërbimin civil”, duke kontestuar kompetencën, respektivisht autorizimin ligjor që Sekretari i Përgjithshëm të nxjerr vendim të tillë, pasi që kjo është në kompetencë e Komisionit Disiplinor.
4. Kërkesa e ankuesit për pezullim deri sa të vendoset me vendim meritore për ankesën e tij nga organet e ankimit, është e bazuar në nenin 80 paragrafi 3 të Ligjit Nr. 03/L-149 për Shërbimin Civil të Republikës së Kosovës i cili ka përcaktuar se: *“Të gjitha efektet e veprimeve administrative kundër të cilave është paraqitur ankesë ose të cilat janë në shqyrtim nga organet kompetente për zgjidhjen e kontesteve dhe ankesave pezullohen deri në marrjen e vendimit përfundimtar”* dhe me nenin 154 paragrafi 1 nën paragrafi 1.4 dhe paragrafit 2 të Ligjit nr. 05/L-031 për Procedurën e Përgjithshme Administrative i cili përcakton se *“Përveç kur ndalohet shprehimisht me ligj, organi publik kompetent për nxjerrjen e aktit që ekzekutohet apo organi i tij epror, sipas detyrës zyrtare apo sipas kërkesës, mund të pezullojë apo shtyjë ekzekutimin e tij deri në marrjen e një vendimi përfundimtar, nëse pezullimi apo shtyrja është nevojshme për të shmangur një dëm që do të ishte vështirë të kompensohej dhe nëse njëkohësisht nuk do të cenohej interesi publik”*.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

Eshref SHABANI

Kryetar i Kolegjit



Vendimi i dërgohet:

- Ankuesit, Nexhat Krasniqi,
- Sekretarit të Përgjithshëm të Ministrisë së Infrastrukturës;
- Udhëheqësit të Burimeve Njerëzore në Ministri të Infrastrukturës; dhe
- Arkivit të Këshillit.